

Na osnovu člana 8. i 23. Zakona o ministarstvima i drugim organima uprave Tuzlanskog kantona – prečišćeni tekst (“Službene novine Tuzlanskog kantona” broj: 10/18), ministar obrazovanje i nauke Tuzlanskog kantona, donosi

O D L U K U
o utvrđivanju uslova, kriterija, postupka i načina isplate za dodjelu stipendija
redovnim učenicima srednjih škola romske nacionalnosti i ostalih nacionalnih manjina u
školskoj 2023/2024. godini

I - OPĆE ODREDBE

Član 1.
(Predmet)

Ovom odlukom utvrđuju se uslovi, kriteriji i postupak za dodjelu stipendija u školskoj 2023/2024. godini, za period mart-juni 2024. godine, redovnim učenicima srednjih škola u statusu javne ustanove na području Tuzlanskog kantona romske nacionalnosti i ostalih nacionalnih manjina, te način isplate finansijskih sredstava.

Član 2.
(Korisnici prava)

Pravo na dodjelu stipendije po ovoj odluci imaju učenici romske nacionalnosti i ostalih nacionalnih manjina utvrđenih u članu 3. stav (2) Zakona o zaštiti prava pripadnika nacionalnih manjina u Tuzlanskom kantonu (“Službene novine Tuzlanskog kantona” broj: 14/09), sa područja Tuzlanskog kantona, koji se obrazuju i redovno pohađaju srednju školu u statusu javne ustanove na području Tuzlanskog kantona u školskoj 2023/2024. godini (u daljem tekstu: kandidat).

Član 3.
(Finansijska sredstva)

Finansijska sredstva za dodjelu stipendija osiguravaju se u Budžetu Tuzlanskog kantona, a raspodjela sredstava vršit će se u skladu sa planiranim i operativnim sredstvima u Budžetu Tuzlanskog kantona za 2024. godinu na potrošačkoj jedinici 24010022 – Implementacija akcionog plana o obrazovnim potrebama Roma i ostalih nacionalnih manjina, ekonomski kod 614200 OCD202 (fun. kod 0922) – Stipendiranje učenika Roma i ostalih nacionalnih manjina.

Član 4.
(Visina stipendije)

(1) Ukupna visina stipendije, po jednom kandidatu, u skladu sa odredbama ove odluke iznosi 1.000,00 KM (slovima: hiljadu konvertibilnih maraka).

(2) Isplata stipendije vršit će se u pet jednakih mjesečnih rata, a visina jedne rate iznosi 200,00 KM (slovima: dvije stotine konvertibilnih maraka).

Član 5.

(Ukupan broj korisnika stipendije)

Pravo na stipendiju po ovoj odluci može se odobriti za ukupno 60 kandidata u školskoj 2023./2024. godini.

II - USLOVI ZA DODJELU STIPENDIJA

Član 6.

(Uslovi za dodjelu stipendije)

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je pripadnik romske, odnosno druge nacionalne manjine u skladu sa članom 2. ove odluke,
- c) da ima prijavljeno mjesto prebivališta na području Tuzlanskog kantona (u daljem tekstu: Kanton), ili da ima prijavljeno mjesto boravišta u statusu raseljenog lica na području Kantona, ili da je prije ostvarenog povratka imao status raseljenog lica na području Kantona,
- d) da je redovan učenik srednje škole na području Tuzlanskog kantona i da redovno pohađa nastavu u školskoj 2023/2024. godini.

III - KRITERIJI ZA DODJELU STIPENDIJA

Član 7.

(Kriteriji za dodjelu stipendija)

Rangiranje kandidata za dodjelu stipendije vrši se na osnovu sljedećih kriterija:

- a) opći uspjeh postignut u prethodno završenom razredu škole (deveti razred osnovne škole, odnosno prethodno završeni razred srednje škole) i
- b) materijalni položaj.

Član 8.

(Bodovanje po osnovu ostvarenog uspjeha u devetom razredu osnovne škole)

Po osnovu općeg uspjeha postignutog u prethodno završenom razredu škole kandidatu pripadaju sljedeći bodovi:

- | | |
|----------------------|-----------|
| a) odličan uspjeh | 50 bodova |
| b) vrlo dobar uspjeh | 40 bodova |
| c) dobar uspjeh | 30 bodova |
| d) dovoljan uspjeh | 20 bodova |

Član 9.

(Bodovanje po osnovu materijalnog položaja)

(1) Po osnovu materijalnog položaja kandidatu pripadaju sljedeći bodovi:

- | | |
|--|-----------|
| a) kandidat i članovi porodičnog domaćinstva bez prihoda | 40 bodova |
| b) kandidat iz porodice korisnika socijalne zaštite | 30 bodova |
| c) kandidat i članovi porodičnog domaćinstva čiji su prihodi po članu porodičnog domaćinstva do 30% prosječne plaće u FBiH | 25 bodova |

- d) kandidat i članovi porodičnog domaćinstva čiji su prihodi po članu porodičnog domaćinstva od 31% do 50% prosječne plaće u FBiH 20 bodova
- e) kandidat i članovi porodičnog domaćinstva čiji su prihodi po članu porodičnog domaćinstva od 51% do 70% prosječne plaće u FBiH 10 bodova
- f) kandidat i članovi porodičnog domaćinstva čiji su prihodi po članu porodičnog domaćinstva preko 70% prosječne plaće u FBiH 5 bodova

(2) Pod članom porodičnog domaćinstva, u smislu ove odluke, podrazumijevaju se: roditelji, sestre i braća, očuh, maćeha, usvojitelj, staratelj, djed, nena/baka ako sa kandidatom žive u zajedničkom domaćinstvu.

(3) Ukupan prihod, u smislu ovog člana, čine prihodi koje članovi porodičnog domaćinstva ostvaruju po osnovu plaća i drugih primanja iz radnog odnosa, starosne invalidske i porodične penzije, privredne, uslužne i druge djelatnosti i prihodi po osnovu socijalne zaštite.

(4) Kod utvrđivanja ukupnog prihoda po članu porodičnog domaćinstva u obzir se uzima prosječna neto plaća u ostvarena u Federaciji Bosne i Hercegovine u prethodnoj godini, prema zvaničnom podatku Federalnog zavoda za statistiku.

Član 10.

(Prednost pri jednakom broju bodova)

Ukoliko na rang listi dva ili više kandidata ostvare isti broj bodova, prednost na rang listi ostvarit će kandidat prema slijedećem redoslijedu:

- a) kandidat sa manjim prihodima po članu porodičnog domaćinstva,
- b) kandidat koji je ostvario veću prosječnu ocjenu u prethodno završenom razredu škole.

IV - POSTUPAK DODJELE STIPENDIJA

Član 11.

(Donošenje odluke i raspisivanje konkursa)

(1) Odluku o raspisivanju konkursa za dodjelu stipendija redovnim učenicima srednjih škola romske nacionalnosti i ostalih nacionalnih manjina u školskoj 2023/2024. godinu donosi Ministarstvo obrazovanja i nauke Tuzlanskog kantona (u daljem tekstu: Ministarstvo).

(2) Tekst konkursa i obrazac prijave na konkurs utvrđuje Ministarstvo.

(3) Konkurs obavezno sadrži sljedeće podatke:

- a) naziv organa koji objavljuje konkurs,
- b) adresu organa kojem se zahtjevi podnose,
- c) uslovi i kriteriji za dodjelu stipendije,
- d) dokazi koje kandidati prilažu uz prijavu na konkurs,
- e) rokovi za prijavu na konkurs,
- f) prava i obaveze kandidata,
- g) način isplate sredstava i
- h) druge eventualno potrebne podatke.

(4) Tekst konkursa se objavljuje na zvaničnoj veb stranici Ministarstva, od kada počinje teći rok za predaju dokumentacije.

Član 12.

(Prijava na konkurs)

(1) Prijave na konkurs sa potrebnom dokumentacijom, podnose se Ministarstvu, u roku od 15 dana od dana objavljivanja konkursa na veb stranici Ministarstva.

(2) Prijava na konkurs se vrši putem prijavnog obrasca, koji se može preuzeti na veb stranici Ministarstva i u službenim prostorijama Ministarstva.

(3) Kandidat je uz popunjen prijavni obrazac obavezan dostaviti i:

- a) uvjerenje o statusu redovnog učenika srednje škole u školskoj 2023/2024. godini (original ili ovjerena kopija),
- b) uvjerenje o državljanstvu,
- c) dokaz o prijavljenom mjestu prebivališta, odnosno boravišta (CIPS obrazac PBA3) ili za lica u statusu povratnika dokaz da je prije ostvarenog povratka imao status raseljenog lica na području Kantona,
- d) ovjerena izjava jednog roditelja/ staratelja da je učenik pripadnik nacionalne manjine (izjava ovjerena od strane nadležnog gradskog/općinskog organa uprave ili notara),
- e) dokaz o zajedničkom domaćinstvu (kućna lista), ne stariji od 30 dana (original ili ovjerena kopija).
- f) kopiju svjedočanstva o prethodno završenom razredu škole (deveti razred osnovne škole odnosno prethodno završeni razred srednje škole),
- g) dokaz o materijalnom položaju (original ili ovjerena kopija), i to:
 - za svakog punoljetnog radnosposobnog nezaposlenog člana porodičnog domaćinstva – uvjerenje Službe za zapošljavanje ili uvjerenje Poreske uprave da lice ne ostavruje prihode,
 - za člana porodičnog domaćinstva korisnika socijalne zaštite – potvrda/uvjerenje nadležnih organa,
 - za člana porodičnog domaćinstva koji ostvaruje prihode – dokazi o zaposlenju i visini stalnih izvora prihoda za sve nezaposlene članove porodičnog domaćinstva (original ili ovjerena kopija), koji se dostavljaju alternativno u zavisnosti od načina sticanja prihoda, i to: tri posljednje platne liste ili uvjerenje poslodavca o prosjeku tri posljednje mjesečne plaće, ček od PIO penzije, a za lica koja imaju registrovanu samostalnu djelatnost odgovarajući dokaz u zavisnosti od vrste djelatnosti.

Član 13.

(Imenovanje i sastav Komisije)

(1) Konkursnu proceduru provodi Komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 15 dana od dana isteka roka za podnošenje prijava na konkurs.

(2) Komisija ima tri člana, imenovana ispred Ministarstva.

(3) Komisija za svoj rad odgovara Ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.

(5) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od osnova i najkasnije u roku od 30 dana od dana isteka roka za podnošenje prijava na konkurs sačiniti jedinstvenu rang listu i istu objaviti na veb stranici Ministarstva.

(6) Rang lista kandidata obavezno sadrži:

- a) prezime, ime jednog roditelja i ime kandidata,
- b) broj bodova po svakom od utvrđenih osnova,
- c) ukupan broj bodova po svim osnovama i
- d) pouku o pravnom lijeku sa tačno naznačenim rokom za ulaganje prigovora.

(7) Neblagovremene i nepotpune prijave Komisija neće uzimati u razmatranje, a prijavljeni kandidati o istom se obavještavaju sačinjavanjem posebne liste.

Član 14.

(Postupak po prigovoru i donošenje konačne rang liste)

(1) Na liste iz člana 13. stavovi (5) i (7) ove odluke, nezadovoljni kandidati mogu podnijeti prigovor u roku od tri dana od dana objavljivanja listi na veb stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 15 dana od dana isteka roka za podnošenje prigovora.

(4) Nakon okončanja postupka po prigovorima konačnu rang listu kandidata utvrđuje ministar.

Član 15.

(Ugovor o stipendiranju)

(1) Na osnovu konačne rang liste, ministar sa kandidatom, odnosno roditeljem/starateljem maljoljetnog kandidata, zaključuje ugovor o stipendiranju, kojim se bliže uređuju međusobna prava i obaveze.

(2) Ugovor iz stava (1) ovog člana zaključuje se u roku od 30 dana od dana isticanja konačnih rang listi na veb stranici Ministarstva.

(3) Ukoliko kandidat, odnosno roditelj/staratelj, u roku iz stava (1) ovog člana ne potpiše ugovor, kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

V - NAČIN ISPLATE STIPENDIJA

Član 16.

(Isplata stipendije)

(1) Stipendija se isplaćuje u pet jednakih mjesečnih rata.

(2) Isplata stipendija vrši se putem štedne knjižice ili računa korisnika stipendije otvorenog kod banke na području Federacije Bosne i Hercegovine.

(3) Evidenciju o korisnicima stipendija vodi Ministarstvo.

Član 17.

(Gubitak prava na stipendiranje)

(1) Korisnik stipendije gubi pravo na dalju isplatu stipendije, ako u toku školske godine:

- a) napusti redovno školovanje,
- b) bude mu izrečena disciplinska mjera isključenja iz škole,
- c) po nekom drugom osnovu prestane mu status redovnog učenika,

d) ako se naknadno utvrdi da su prilikom prijave na konkurs iznesene netačne činjenice na osnovu kojih mu je stipendija dodijeljena.

(2) Korisnik stipendije je dužan u roku od trideset dana od nastupanja okolnosti iz stava (1) tačka a), b) c) ovog člana, obavijestiti davaoca stipendije o tim okolnostima.

VI – ZAVRŠNE ODREDBE

Član 18.

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanje i nauke
Broj: 10/1-11-009935-1/24
Tuzla, 30.4.2024.godine

MINISTAR
Dr.sci. Ahmed Omerović